



## Universitätsbibliothek Paderborn

**Elogia Patriarcharum, Et Christi Jesu Dei Hominis.  
Emanvelis Thesavri Patritii Taurinens. Et Aloysii Jvglaris è  
Societate Jesu**

**Giuglaris, Luigi**

**Francofurti, 1684**

Iosues ex Iosepho. Triumphus.

**urn:nbn:de:hbz:466:1-38349**

Qui retrocedentibus undis vadum reliquit.  
 Nimirum, virtuti cädere, docile flumen à mari didicerat.  
 Terge tam purâ lymphâ sudores tuos,  
 Et malis recreare post mala.  
 „ Nam amara, memorando dulcescunt,  
 „ Et aures mulcet quod oculos terruit.  
 „ Fruere partis deliciis invictissime Salma,  
 Quo Auspice, bellari cœptum & debellari;  
 Quo Duce hostes omnes cesserunt, aut recesserunt.  
 Quo reduce, Judæa Tribus centum Urbes sortitur;  
 Quarum indegena tuo admoniti gladio,  
 Vacuas ut relinquerent sedes, Tartarum implever.

---

## JOSUES

EX JOSEPHO.

TRIUMPHUS.

Egregium Triumphum instrue Silo.  
 Victor incedit Josues.  
 Hierichontinæ præcedant tubæ,  
 Ut accedenti victori accident Urbes.  
 Eximio Triumpho non portæ panduntur, sed mœnia.  
 Distinguat cohortium signa salubre Tetagrammaton  
 J E S U S.

Vincendi testera, Victoris titulus, Victoriae tutela.  
 Hoc enim servatus quo Servator,  
 Tartaro formidines festinavit.  
 Idumeorum succedant manubiæ;  
 Quorum terga duntaxat vidit.  
 Officium fuit spoliæ fugaces, & armis graves.  
 Nam timidiorum arma prædatorem vocant, non hostem.  
 Prima inter fercula Sinæ Montis occurrat species.  
 Ubi cum Mose Empyreus Pyrausta Josues, in igne vixit.  
 Nimirum pravæ naturæ franguntur leges, cum divinæ  
 conduntur,  
 Quas solus Moses dedit, solus Josues servavit.  
 Hinc duorum terga ferentium premat immanis Botrus,

Osten-

Ostentui datus,  
 Cum quadraginta annorum itinere, quadraginta diebus ex-  
 hausto ;  
 De Gigantum tellure  
 Fruges retulit, colonis similes.  
 Olim tam colonos mesurus, quam fruges.  
 Ergo tergemina Gigantum Henacinarum capita  
 Contis praefixa gestentur ;  
 Quibus robur rubori fuit.  
 Nam Viros non à viribus voces, sed à virtute,  
 Volo etiam acervum lapidum plaustro vehi,  
 Ingratam ingratissimam memoriam,  
 A quibus pene examinatur dum territos animat.  
 Adeo timenda est timidorum audacia,  
 Tum Madianitarum Trophæa ;  
 Quos ad Mosis inferias mactavit inferis :  
 Medio Baalami capite, exerta lingua :  
 Quam præstigior Prophetae, suo jumento stolidior,  
 In imprecações conatus, in præces resolvit,  
 Hinc Jordanis imago, si licet simulari, producitor.  
 Qui à Myſtis gestata, & Myſteria gestantem Arcam  
 Veneratus ac veritus ;  
 Stuporem inter & metum, simul stetit & fugit.  
 Hiericho intet simulacia victarum Urbiuum præcedat,  
 Quæ turbarum sono turbata,  
 Saltantem Josua contremuit.  
 Septem præterea Urbes graviori Marte delecta,  
 In Imagine tantum vivant.  
 Sæviendum enim erat, aut servieendum.  
 Flagrant ante currum pro facibus Sol, & Luna ;  
 Qui pridem gradarij, jam statarij Planetæ.  
 Ne victoriam morentur, morantur diem.  
 At Gabaonitæ, catenata mancipia, currum trahant,  
 Nam callide vitam pacti, catenas in lucro ponunt.  
 Turrizo currū immineas Victor ;  
 Hæreditario Mosis diademate radiatus  
 Ut noctem illustret, excæcer in vidiam.  
 Triumphalem Senem laureatæ sequantur tribus,  
 Nemine juventam excedente.  
 Solus enim cum Calebo Josues

Ægypt.

Ægyptum vidit, & Judæam;

Carcerem, & Metam.

Pompam excipiat cœlestis Arcus.

Sic inscripto fastigio.

Iesu Servatori,

Dictatori virgineo.

Africano, Asiatico.

Quod ad Palæstinas delicias vindicato Populo,  
Tyrannis tribus & triginta, igni, ferro, cantu, Prostratis;

Totidemq; Regionibus tributum divisus:

Sanctuario in Silunte collocato;

Vt Deus quiesceret, nunquam quieverit.

Sen. Popul Q. Hebr.

Portam Tropheis insignem aperuit.

V. O.

## S A M S O N

E X D A N O.

I D Æ A.

Adeste Juvenes, quibus Robur & Cupido.

Do yobis utriusq; Idæam, Samsonem,

Alcidis coætaneum, Alcidi similem, robusto & forti:  
Mox Cupidinis mancipium, Cupidini simile, cæco & nuda.

Hic de sterili germinat:

Quo miraculo vel Jacob, vel Esau nascitur, nihil medium.

Nazarenus Nazareno dicatur; lecto à floribus titulo.

Avarum nempe munus. Vitæ autumnum Deo dicare, non  
florem.

Ne temulentia tumentum faciat,

Fonte puro fallere sitim jubetur.

Ut bibentis imaginem reddente lymphâ,

Se ipsum noscere affuescat.

Contra pugnaces divino labore afflatur Puer:

Nil enim hosti nocentius quam innocentia.

At Martius ille spiritus capillis illigatur:

Ut scias quam caducum sit donum, juvenile robur.

Cum tenui admodum de filo pendeat.

Ad Hostium cædem consecratus.

Odia Philisteorum ab Philistearum amoribus incipit.

In circumeisum coniubium firmante Deo;

U;